

■ PUNTO DA VISTA

Proclamaziuns uffizialas e calculaziuns clandestinas

Elecziun d'in successur u d'ina successura per Didier Burkhalter

DA CLAUDIA CADRUVI / ANR

Il 20 da settember elegian 200 cussegliers naziunals e 46 cussegliers dals chantuns in successur per Didier Burkhalter. Fin quel di vegn ins anc ad udir inqual giadas il mantra ch'i dovria exnum puspè in represchentant tessinais en la regenza. Auters vegnan a repeter ad in repeter che las dunnas sajan cumo duas cusseglieras federalas sutrepreschentadas, i dovria dispartir ina terza dunna.

«Nus lain in Tessinais!» «Nus lain ina dunna!» Talas proclamaziuns sa laschan motivar cun arguments onests («Ins sto resguardar las minoritads»), cun bunas raschun statalpoliticas («Las dunnas fan la finala ora la mesadad da la populaziun») e sa chapescha adina cun messadis positivs sco quai ch'i descha ozendi en la comunicaziun politica. Ma ils messadis positivs pon valair anoravers: per ils aspecturs da televisiun, ils lecturs da gasettas, ils followers sin twitter etc. La dinamica interna è in'otra. Dals 246 parlamentaris n'han betg paucs sez mustgas da daventar in di cusseglier federal. In

politicher ambizius na sa dumonda pia betg sch'i saja uss giustifitgà da purtar ina dunna u sch'i saja forsa uras d'eleger in Tessinais. Anzi, in tal politicher – per exempel in parlamentari masculin da lingua tudestga – fa ponderaziuns sco: «Sch'ins elegia questa giada ina dunna, hai jau l'otra giada meglras schanzas.» Ubain: «Sch'ins elegia questa giada in Tessinais, è la via suenter libra per insatgi da la Svizra tudestga.» La meglra elecziun per quest politicher fiss probabel ina dunna tessinaisa cun raggis en la Romandia.

La dumonda tessinaisa munta per mintga aspirant per il cussegl federal ina vaira mulesta ed ina cumponenta nuncalculabla. Quai mussa l'elecziun da Guy Parmelin avant prest dus onns. La giunta da la pps aveva atgnamain prevedì il giuven cusseglier naziunal e stget blocherian Thomas Aeschi per quest post. Lura è Norman Gobbi, che la pps aveva apostata adoptà da la Lega sco candidat dad alibi tessinais, cumpari sin il parchet naziunal. Il cusseglier guvernativ ha fatg flucs cun ils plans



dals superiors da la pps. Entras ina dinamica incredibla fiss il giuvenot tessinais prest i cun la plima. Profittà da quest viriveri electoral ha la finala Guy Parmelin. Tgi pomai avess carti che quest candidat fat e nunenconuscent fetschia il davos anc la cursa?

Dapi che Flavio Cotti è sortì il 1999 dal cussegl federal punctuescha il Tessin ses dretg sin in sez. Per ils strategs da partida che lessan purtar in favorit d'in altra regiun munta quai in privel constant che po ruinar la pli minuziusa strategia. Ils Tessinais talu-

nan tar mintga vacanza ed ils schefs da fracziun e presidents da partida avessan gugent puspè ina giada ruauss areguard questa dumonda. Gist quai è l'avantatg e la gronda schanza dad Ignazio Cassis. Cun sia elecziun pudess ins cuntentar per ils proxims dus decennis la Svizra taliana ed il privel tessinais fiss lugà. Il dischavantatg da Cassis è: El è in um. Baininqual parlamentari masculin, betg mo da la pld, preferiss ina dunna sin il post da Burkhalter, simplamain per sez avoir pli tard megliers aspects. Gist era per ambiziuns d'in cusseglier dals chantuns sco Martin Schmid fissi bun sch'ina dunna vegness elegida il 20 da settember.

Ma strusch che Burkhalter ha già demissionà han las dunnas da la pld fatg palais ch'ellas renconuschian il dretg dal Tessin. Quai ha tunà simpatic, sco sche las dunnas liberalas avessan gronda chapientscha per las minoritads. Po dar che gliez constat. Po dentant era dar che Doris Fiala, la presidenta da las dunnas da la pld, ha già autras intenziuns. Forsa da segi-

rar il sez da Johann Schneider-Ammann che vegn franc e segir liber proximamain per ina candidatura speziala ord la Svizra tudestga? Per exempel per Karin Keller-Sutter, Petra Gössi u tgisà forsa perfin per ella sezza? Da renconuscher immediat il dretg dal Tessin è stà in rampin per tegnair ord l'ogn ina candidatura feminina da la Svizra latina, damai ch'igl era da bell'entschatta quasi cler ch'il Tessin porta Cassis. Il quint da las dunnas da la pld n'è dentant betg i si ed en il fratemp beneventan ellas uffizialmain che la cussegliera da stadi Jacqueline de Quattro dal chantun Vad sa metta a disposiziun.

Eco statti atgnamain cun ils parlamentaris tessinais? Èn els propri tuts inchantads dad Ignazio Cassis? Els vegnan mettain a proclamar bunamain unisono ch'i saja salidai vel sch'el daventia cusseglier federal. Ma pensar pensa in u l'auter probabel il cuntrari. Pertge sche Cassis vegn en la regenza dori per ils proxims ventg onns nagingins candidats da lingua taliana pli ed ils politichers tessinais pon pachetar ensemen tuttas ambiziuns.